



REPUBLIKA E MAQEDONISË SË VERIUT
AGJENCIA PËR SHËRBIME MEDIATIKE AUDIO DHE AUDIOVIZUELE
PA1 Nr. 03-362
24.11.2023
Shkup

Në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuele („Gazeta Zyrtare e Republikës së Maqedonisë“ nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe „Gazeta Zyrtare e Republikës së Maqedonisë së Veriut“ nr.42/20, 77/21 dhe 154/23), dhe në lidhje me nenin 92 paragrafët (1) dhe (3) nga Ligji i njëjtë, pika 6 dhe pika 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrje të masës (Tekst i pastruar) ark.nr.01-4139/1 datë 07.11.2022, Raportin me shkrim për mbikëqyrje të kryer programore ark.nr.10-3333/1 datë 01.09.2023 dhe Konkluzionin ark.nr.02-4325/4 datë 23.11.2023, Këshilli i Agjencisë për Shërbime Mediatike Audio dhe Audiovizuele, në seancën e 38-të mbajtur më 23.11.2023, miratoi si vijon:

Aktvendim
për ndërmarrje të masës – vërejtje publike

1. PUBLIKISHT PARALAJMËROHET Shoqëria Tregtare Radiodifuzive (SHTR) TV GURRA SHPKNJP Kërçovë, për shkeljen e kryer të nenit 92 paragrafët (1) dhe (3) të Ligjit për Shërbime Mediatike Audio dhe Audiovizuele (LSHMAAV), të mënyrës që radiodifuzeri në kuadër të shërbimit programor, më 9 gusht 2023, nuk ka transmetuar së paku 30% program të krijuar burimor si vepra audiovizuele maqedonase, as së paku gjysmën e minimumit ligjor program të krijuar burimor si vepra audiovizuele maqedonase, e transmetuar në periudhën nga ora 7,00 deri në ora 19,00.

Shkelja nga paragrafi (1) i kësaj pike është specifikuar në Raportin me shkrim për mbikëqyrje të kryer programore ark.nr.10-3333/1 datë 01.09.2023, si pjesë përbërëse e këtij aktvendimi si Shtojcë nr.1.

2. URDHËROHET që SHTR TV GURRA SHPKNJP Kërçovë, në afat prej 20 (njëzet) ditësh nga dita e pranimit të aktvendimit të harmonizon punën e tij me dispozitat e LSHMAAV.

3. Pas skadimit të afatit përcaktuar në pikën 2 të këtij Aktvendimi, të kryhet mbikëqyrje kontrolli, me qëllim të përcaktimit nëse subjekti i mbikëqyrjes, i cekur në pikën 1 të këtij Aktvendimi, ka vepruar sipas Aktvendimit.

4. Ky Aktvendim është përfundimtar, dhe si ditë për miratimin e tij llogaritet dita e çertifikimit në Arkivin e Agjencisë për Shërbime Mediatike Audio dhe Audiovizuele (Agjencia).

A r s y e t i m

Agjencia në bazë të nenit 28 të LSHMAAV është kompetente të kryejë mbikëqyrje programore (monitorim) të programeve të transmetuesve dhe ofruesve të shërbimeve mediatike audiovizuele sipas kërkesës, si dhe të pakove programore që ritransmetohen nga operatorët e rrjeteve publike të komunikimit elektronik nga aspekti i respektimit të dispozitave nga Ligji në fjalë, lejeve, çertifikatave të dhëna për regjistrim, akteve nënligjore dhe akte të tjera miratuar nga Agjencia.

Në pajtim me nenin 23 paragrafi (1) nënparagrafi 1 të LSHMAAV, Këshilli i Agjencisë ndërmerr masën – vërejtje publike në rastet kur është kryer cënim ose shkelje e dispozitave të LSHMAAV dhe

akteve nënligjore miratuar në bazë të Ligjit të njëjtë, si dhe të kushteve dhe detyrimeve përcaktuar me lejen dhe akte të tjera të Agjencisë.

Në pajtim me nenin 92 paragrafët (1) dhe (3) të LSHMAAV, Shoqëritë Tregtare Radiodifuzive që transmetojnë shërbim programor televiziv detyrohen gjatë ditës të transmetojnë së paku 30% program të krijuar burimor si vepra audio ose audiovizuale maqedonase, ndërsa shërbimi publik radiodifuziv së paku 40%. Shoqëritë Tregtare Radiodifuzive që transmetojnë shërbim programor televiziv detyrohen së paku gjysmën e detyrimeve të përcaktuara në paragrafin (1) të këtij neni t'i realizojnë në periudhën nga ora 7,00 deri në ora 19,00.

Në kuadër të kompetencave ligjore, Agjencia nëpërmjet Sektorit për çështje programore, më 31 gusht 2023, ka kryer mbikëqyrje të rregullt programore, nga ku u konstatua se më 9 gusht 2023 shërbimi programor televiziv i SHTR TV GURRA SHPKNJP Kërçovë, ka transmetuar 2 orë 18 minuta dhe 7 sekonda program të krijuar burimor si vepra audiovizuale maqedonase, që është 10.21% nga totali i përgjithshëm i transmetuar gjatë ditës e cila përfshihet në llogaritjen e programit të krijuar burimor (22 orë 32 minuta dhe 21 sekonda). Minimumi Ligjore prej 30% për transmetim të programit të krijuar burimor gjatë një dite, në raport me totalin e programit të transmetuar më 9 gusht që përfshihet në llogaritjen e programit të krijuar burimor (22:32:21) është 6 orë 45 minuta dhe 42 sekonda. SHTR TV GURRA SHPKNJP Kërçovë ka transmetuar për 4 orë 27 minuta dhe 35 sekonda më pak program të krijuar burimor si vepra audiovizuale maqedonase.

Gjysma e minimumit ligjor (prej 06:45:42) është 3 orë 22 minuta dhe 51 sekonda program të krijuar burimor si vepra audiovizuale maqedonase, shuma minimale që është dashur të transmetohet nga SHTR TV GURRA SHPKNJP Kërçovë, në periudhën nga ora 7:00 deri në ora 19:00. Në këtë periudhë, siç është konstatuar nga mbikëqyrja, janë transmetuar 1 orë 36 minuta dhe 28 sekonda program të krijuar burimor si vepra audiovizuale maqedonase, që në këtë situatë është për 1 orë 46 minuta dhe 23 sekonda më pak se minimumi i nevojshëm.

Shkelja nga pika 1 e këtij Aktvendimi, është specifikuar në Raportin me shkrim për mbikëqyrje të kryer programore ark.nr.10-3333/1 datë 01.09.2023, si pjesë përbërëse e këtij aktvendimi si Shtojcë nr.1.

Në pajtim me nenin 23 paragrafi (3) të LSHMAAV, Këshilli i Agjencisë drejtuar SHTR TV GURRA SHPKNJP Kërçovë më 01.09.2023, dërgoi Shkresë me ark.nr.10-3333/2 datë 01.09.2023 me të cilën i dorëzoi Raportin me shkrim për mbikëqyrje të kryer programore ark.nr.10-3333/1 datë 01.09.2023, me qëllim që në afat prej 7 (shtatë) ditë pune nga dita e pranimit të shkresës, drejtuar Këshillit të Agjencisë të paraqesë deklaratë me shkrim për shkeljen e kryer të dispozitave të LSHMAAV. Shkresa u pranua në mënyrë të rregullt nga transmetuesi më 26.09.2023. në afatin e paraparë SHTR TV GURRA SHPKNJP Kërçovë, nuk u deklarua për shkeljen e kryer të dispozitave të Ligjit. Këshilli i Agjencisë në seancën e mbajtur më 23.11.2023, pasi shqyrtoi lëndën Raport me shkrim dhe konstatoi që SHTR TV GURRA SHPKNJP Kërçovë t'i shqiptohet masë – vërejtje publike.

Rrjedhimisht nga sa mësipër, në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të LSHMAAV, dhe në lidhje me nenin 92 paragrafët (1) dhe (3) nga Ligji i njëjtë, pika 6 dhe pika 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës, raportin me shkrim për mbikëqyrje të kryer programore me ark.nr.10-3333/1 datë 01.09.2023, për konstatim të mos respektimit të dispozitave të LSHMAAV, përcaktuar në pikën 1 të këtij Aktvendimi, Këshilli i Agjencisë në seancën e 38-të mbajtur më 23.11.2023, në pajtim me Konkluzionin ark.nr.02-4325/4 datë 23.11.2023, miratoi Aktvendim me të cilën publikisht paralajmërohet SHTR TV GURRA SHPKNJP Kërçovë dhe obligohet që në afat prej 20 (njëzet) ditësh nga dita e pranimit të aktvendimit të harmonizon punën e tij me dispozitat e LSHMAAV. Pas skadimit të afatit përcaktuar në pikën 2 të këtij Aktvendimi, të kryhet mbikëqyrje kontrolli, për të përcaktuar nëse subjekti i mbikëqyrjes, i cekur në pikën 1 të këtij aktvendimi, ka vepruar sipas aktvendimit.

Në pajtim me nenin 24 paragrafët (1) dhe (2) të LSHMAAV, ky Aktvendim është përfundimtar dhe kundër këtij aktvendimi radiodifuzeri ka të drejtë padie për ngritje të kontestit administrativ para gjykatës kompetente Padia për ngritjen e kontestit administrativ paraqitet në afat prej 30 ditësh nga dita e pranimit të aktvendimit.

Bazuar në sa më sipër u mor aktvendim si në dispozitiv.

Shtojcë (1):

- 1) Raport me shkrim për mbikëqyrje të kryer programore ark.nr.10-3333/1 datë 01.09.2023.

**Agjencia për Shërbime Mediatike
Audio dhe Audiovizuale
Kryetari i Këshillit,
Lazo PETRUSHEVSKI, d.v.**

Këshillë juridike: Kundër këtij aktvendimi radiodifuzeri ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimi të aktvendimit.